



ပအိုဝ်းလူငယ်အစည်းအရုံး
PA-O YOUTH ORGANIZATION (PYO)

No(2/53), Sabae Street, Phayar Phyu Qrt, Taunggyi, Shan State, Myanmar
pyorg.net@gmail.com, www.paoyouth.org

(၇၀) နေင်းခွပ် ဒဲဉ်သီးလာဗွေ မွူးနီးခွါးပအိုဝ်း အခန်းအနား သဝဏ်းလွှား
ပအိုဝ်းလို့ယွဲးစွါး (PYO) ကပသာလွဉ်ဒါး

(၇၀) နေင်းခွပ် မွူးနီးခွါးပအိုဝ်း အခန်းအနား သဝဏ်းလွှား

ခရစ်နေင်း ၂၀၁၉ ဗား၊ မတ်လာ (၂၀) နီ။

ဖူးဝေးမွိုးဖါ ခွန်ခွါးနွယ်း ပအိုဝ်းခမ်းရင်သားသီးပုံးပွေးဩ.....

ဟန်းသနီ၊ သားသနားသက္ကရာဇ် (၂၅၆၂) ဗား၊ ကေားဇားသက္ကရာဇ် (၁၃၈၀)၊ ဒဲဉ်သီးလာဗွေနီ၊ ခရစ်သက္ကရာဇ်နေင်း ၂၀၁၉၊ မတ်လာ (၂၀) နီ၊ မွူးနီး ဗုဒ္ဓဟူးယို ထွာဒျား နီသွဉ်းသီး မွူးနီးခွါးပအိုဝ်း နေင်း (၇၀) ခွပ်ဗွေ နီနပ်သွါဩ။ နေင်း (၇၀) ခွပ်ဗွေ မွူးနီးခွါးပအိုဝ်း ဒဲဉ်သီးလာဗွေပွယ်အတွက်တား လိတ်ထူးဂွဏ်း သဝဏ်းလွှား ပသာခွင်ကလေးဒါး နီသွဉ်းသီး ပအိုဝ်းလို့ယွဲးစွါး (ပီဝိုင်အို) အနေ ဟွိုန်ဟောင်သရေ ထူးဂွဏ်း ငါးမရေ မရားသွါဩ။ မင်္ဂလာအင်းငါး အခန်းခါး နေင်းဟန်းနီယို နီသွဉ်းသီး ခွါးပအိုဝ်း ဖူးဝေးမွိုးဖါ တောင်မိုင် အွဉ်းထွော့သေးခါးဖေး ပအိုဝ်းအမျိုးသားတား မွူးနီးထူး၊ မွူးနီးမျတ် ဒဲဉ်သီးဗွေနပ်သွါဩ။ ခမ်းကို၊ ခမ်းထန်း ကဖျော်တိုးလွေအံ့အင်းဒါး နီသွဉ်းသီး ပအိုဝ်းခမ်းရင်သားကားကအင်း နမ်းသနီပါ၊ ယံခံ့သားထွါတင် လို့ရားဆန္ဒ ကတောင်းတအတိုင်း ယံကဗွေ ယံကလလွဒျားသွော့ဝင်အကျောင် ရီးအွဉ်အစ ပထမအနေ နီသွဉ်းသီး ပအိုဝ်းလို့ယွဲးစွါး (ပီဝိုင်အို) ရိုးသေးဂါရဝပျူ ပသာလွေဖေးဒျား ငင်းမေတ္တား ငါ့ဆုတောင်းသွါဩ။

ဟန်းသနီ၊ ပအိုဝ်းအမျိုးသားဂွဏ်းအင်္ဂါး လက္ခဏာအညီး ဒဲဉ်သီးလာဗွေပွယ်ယို အကျောင်ပျူတွမ်း မဟား သက္ကရာဇ် (၂) ဗား၊ ဒဲဉ်သီးလာဗွေ၊ မွူးနီးစနေ ယိုကထွာဒါး ဗုဒ္ဓသားသနားပျူ သုဝဏ္ဏဘူမိခွန်တန် သူရိယစန္ဒာ ကလွူးဖွားလင် မွူးနီးတင် ခေတ်အဆက်ဆက်ကထွာဒါး (မွိုးဖြား၊ ဖါဖြားသီး) တွမ်းခွါးရက်သတန် ပအိုဝ်းခွန်၊ နင်းသီး ဖြမ်းပူးသပီ အွဉ်းထွော့သေးခါးဖေး မွူးနီးခွါးပအိုဝ်း မွူးနီးထူး၊ မွူးနီးဟောင်၊ မွူးနီးမျတ်နပ်သွါဩ။ ပအိုဝ်းအမျိုးသား မွူးနီးကရိုနပ် ထွာဒျားနီသွဉ်းသီး ခွါးပအိုဝ်းအတွက်တား အရေတန်သွတ်၊ ဂွဏ်းအင်္ဂါး လက္ခဏာ တမျိုးနပ်သွါဩ။ ကွပ်နပ်မ ကမားလွေဗား မွူးနီးခွါးပအိုဝ်း အခန်းအနား အထိန်အမိုင်ပွယ်နင်းယိုတင် ပအိုဝ်းလို့မျိုးတွက်တား ထွာအီဒျား လွောင်းပူးရေလဲမွေးမွေး၊ အောင်းမျင်းထင်းထိုရေတွက်တားတဲ့ အင်းထွာဒျားနပ်သွါဩ။ စွမ်းနေင်းနေင်း နီသွဉ်းသီး ခွါးရက်ပအိုဝ်း ခွန်၊ နင်းစွါးပုံး ကအင်းမားလွေဖေးဒါး မွူးနီးခွါးပအိုဝ်း ဒဲဉ်သီးလာဗွေပွယ် နင်းယိုနပ် ဟွိုန်ဟောင်သရေ အားရငါး၊ ထူးဂွဏ်းငါးမရေမရားနပ်သွါဩ။ ခမ်းထန်းကို ကဖျော်တိုးလွေအံ့ဒါး ခွါးရက်ပအိုဝ်း ခွန်၊ နင်းသီးအနေ ကဖျော်တိုးလွေအံ့ဒါးခင်းလမ်းအကို ကလလွဉ် ထားသေထားဒါး၊ အခွဲအကျုံးပုံးတွမ်း ပညားပုံးယို တင် ယံဖေးနေ ကမားနှောင်လွေထင်းထင်း၊ ယံဖေးနေ ကပင်းထိုနှောင်လွေထင်းထင်း ပအိုဝ်းအမျိုးသား အကျိုး စီးပွားရေ၊ ခမ်းထီ အကျိုးစီးပွားရေပုံးအကျောင် သးကိုရေရွယ်ထွါတင် အင်းဆုတောင်း ကော့မောင်ဒျားနပ် သွါဩ။ နီသွဉ်းသီးဒေးသ၊ ဟံးနယ် ခမ်းထီကို ကထွာဒါး ဟံးယားပျူသနား၊ သဘာဝ အသောင်အရင်ပျူသနား၊ လို့အခွင်အရေပျူသနား၊ ပညားရေ ပျူသနား၊ ဖြူးဖြိုရေပျူသနားစတင် ပျူသနားပုံးအလောင်းယို အင်းလို့ဖြမ်းပူး

ဆွန့်စွီးဝင်စူ ဖြေးသျှင်လွေ့ငီဝင်တင် ကအမ်းဟပ်ထူလဲဉ်းဒါး လိုမိုရေ၊ စီပွာရေအလောင်းအလင်ဖုံးယိုတဲ့ အမ်းလိုဆွန့်စူစွီး ရဲကမ်းထိန်းထွားငီငီ နွှောင်လွေ့ချားသွော့ဝင်အကျောင် တဲက်တိုင်နီဆော်တမာ လောင်း ဟွိုန်လွေ့ဗားသွါဩ။

အဆဲင်သွတ်အနေ နီပအိုဝ်းအမျိုးသားဖုံးကားကအမ်း နီပအိုဝ်းကံကျမ္ဗား နီပအိုဝ်းယံကဖန်ဆင်ချာနွှောင် အီအခွင်အရေတဗားတွက်တာ ကထွာချားနဲင်းငဲးရေအလလဲသင်၊ စီပွာရေအလလဲသင်၊ လိုမုရေ အလလဲသင် သွောင်သွောင်စွီစွီ လွှောင်းလွှောင်းပူးပူး ယံကမာနွှောင်လွေ့အတား တဖြာတွမ်း တဖြာ ခွယ်ချာဝင်သ ပယ်လလတင် ထူထူတွမ်းတွမ်း အမ်းလိုအွဉ်းရေလွေ့ငါးဝင်အကျောင် လောင်းဟွိုန်နယ်ဗားသွါ။ နီသွဉ်းသီး ပအိုဝ်းအမျိုးသားရေ ရေးမိုးချက်ဖုံးကထွာဒါး နီပအိုဝ်းခမ်းရင်သားတွမ်း ခမ်းရင်သားပေါင်စွမ်း အလောင်းအလင် သီး ကမဲဉ်လလွေ့ဒါး ဒီမိုကရေစီအရေ၊ လွစ်တခြင်ခွင်အရေ၊ တသွိုန်စွိုန်ပီခွင်အရေ၊ တရားတရားထူတဲင် ဝိမ်ချံ ရေအပွေတဗား ကအမ်းဒါး လိုအံအမ်းအရန်းတသာတွမ်း စွန်ထီပေ အနားဂတ်အွဉ်ငါယံသား ယံပွေးထန်းလွဉ်ဗား နှင် အမ်းလိုတွမ်းကားရဲင်းရဲင်း မာနဲင်းနဲင်းဝင်နှင်သွါ။ ပအိုဝ်းအမျိုးသားကံကျမ္ဗား ပအိုဝ်းယံကဖန်ဆင်ချာနွှောင် အတားနှင် ထွာချားပအိုဝ်းတမျိုးသားလွမ်းအရေတင် အဖွဲဖွဲ အခပ်ခပ် ခွိုင်းကဒါးရာ အပ်လိုကျီစာမာလွေ့ဝင်၊ အခွင်အရေကအမ်းယံခိန်း လိုယွဲစွီးဖုံးလဲသင်၊ လိုမုရဲင်းတသွိုးရေသားလဲသင်၊ စီပွာရေသားလဲသင်၊ အွဉ်ငါသားလဲသင်၊ နမ်းတဖြာစီးအနေလဲသင်၊ ဒုံအလွောက်၊ အိုင်းအလွောက်၊ ဝေင်နယ်အလွောက်လဲသင် အမ်းလိုအံစူတပ်ဒွါမ်၊ အမ်းလိုအံစူတပ်ဒွါမ် အွဉ်းထူထူတွမ်းတွမ်း ယံဆောင်းရွက်လွေ့လွေ့ခန်းဝင်အကျောင် ပအိုဝ်းတမျိုးသားလွမ်းအတား အားရင်တသာ ယံတလာလွဉ်၊ ယံကလလွဉ်အီခန်းအကျောင် မူးနီဟောင်မူးနီမျတ် ကထွာဒါး မူးနီခွါပအိုဝ်း ဒဲဉ်သီးလာပေ ဟန်းနီအတား ပသာထေ့ဗား သဝဏ်းလွှားလိတ်ထူးဂွဏ်းယိုသွါဩ။

ဗဟိုကော်မတီ
ပအိုဝ်းလိုယွဲစွီး (ပီပိုင်အို)

ကေားဖားသက္ကရာဇ် ၁၃၈၀ ဗားနင်း၊ ဒဲဉ်သီးလာပေနီ။
ခရစ်သက္ကရာဇ် ၂၀၁၉ ဗား၊ မတ်လ (၂၀) နီ၊ မူးနီဗုဒ္ဓဟူ။